

欽定剿平三省邪匪方略

欽定剿平三省邪匪方略正編卷九十五

己未年

四月初二日

庚寅

軍機大臣永理等奏言竊照馬

慧裕條奏軍營安撫事宜各條奉

旨令

臣

等悉心妥議謹擇其中事屬可行應請行令

遵奉者有應交經畧大臣再行詳悉妥議者並
有難以施行毋庸置議者分別列款恭呈

御覽再該護撫奏稱陝西防守一事自寧羗至平利

與川省交界綿亘二千里賊匪隨處可以翻越
山梁今查漢中之兵止有六百餘名又係零星
攢湊及留養病痊之人將官除遊擊蘇維龍已
經陣亡外止有都守三員均不諳習戰陣寧沔
一帶俱派鄉勇防守現囑各道府並地方官將
所集鄉勇勤加訓練以助兵力一節此實係該
省督撫等從前因循闒茸之咎現雖議令剿撫

兼施然必能剿而後能撫尤必能堵而後能剿

今以綿亘二千里之地僅委之六百餘名之攢

湊疲弱兵丁及不諳戰陣之都守三員無怪乎

賊匪得以往來奔竄游奕自如也惟查此時各

路剿捕賊匪正需兵力自無多餘兵丁可以分

撥防守勢不能不資鄉勇協助該護撫現囑令

該道府等勤加訓練究恐有名無實昨於更換

兵丁一事已奉

旨飭令岳起挑派山東兵丁一千餘名令明幹將弁帶赴陝省應用並經勒保囑令永保到任後於各標營內酌量抽調將來將弁兵丁自可足數派撥此時仍應嚴飭各該道府團募鄉勇實力整頓並責成地方大小文員一體督率防護以期布置聯絡互爲聲援倘仍前疎懈卽令該省

督撫嚴叅治罪庶責成專一於備禦較有神益

伏祈

皇上訓示遵行

事屬可行照議辦理者二條

一難民中凡同鄉同村之人同時投出者請令
間日行走均勻配搭每起不得過三十人一
款查回籍難民若令同鄉同村之人成羣就

道則人數衆多保無滋生事端應如所請就
其人數多寡酌量配搭或間一二日或間三
四日每起雖不必拘定三十人總宜以不致
糾紛擁擠妥籌辦理

一投出之人回籍後請嚴禁挾仇訐告如有指
首曾經從賊者應請以告赦前事論一欵查
民人被賊脅從原非出於本意今既經投出

若更追其既往不齒人類殊非咸與維新之道應如所奏以消告訐之風

事不可行毋庸置議者二條

一請出示投出之人先令將火藥鎗礮刀矛均行棄去每起只准五十人赴營投首酌賞盤費若數百成羣執持器械而來者卽用鎗礮轟擊等語查軍營收留投出難民自當嚴爲

查察以防欺詐然拔身賊隊乘間來歸豈易
以五十人之數齊之至所稱鎗礮轟擊尤非
可孟浪從事轉恐傳聞驚阻堅其從賊之心
其酌賞盤費一節則前經勒保奏請人給口
糧日五合盤費銀三錢並給路票作爲執照
仍飭各地方官詢明居住歸入附近民寨每
戶給與搭蓋草棚之費五錢用資栖止於撫

綏安輯之方最爲周到
合該護撫查照辦理

一請投出之人遣令回籍無庸兵役護送止須
令沿途地方鄉約保甲派撥人夫逐段照料
等語查投出難民遣令回籍與遞解軍流人
犯不同自毋庸撥兵護送至沿途欲令鄉保
撥夫逐段照料碍難辦理且恐鄉保等勒派

周章別生枝節惟應飭令沿途地方官一體
留心查察倘有潛逃滋事等情卽行分別懲
辦

原議未妥分別准駁四條

一投出難民請照賑卹之例散給粥餼起程回
籍酌賞盤費仍按大口小口沿途從優支給
口糧住宿給與廟宇次日催令起身毋許停

留其到籍後令地方官查明有業者聽其自行經理倘原業被人搶佔稟官追給其無業者或派充衙門夫役或與軍流人犯一體支給口糧或查入官之逆產分給耕種計畝納租或酌分現任文武大小官員及在籍紳衿之家服役力作以資養贍仍由該地方官發給執照等語查投出難民在途及到籍後自

應妥爲資給俾免流離但該護撫所議如沿途居住豈能皆有廟宇次日起身又令官爲督催勢同驅逐更致驚慌伏思此等難民過境總須赴有司衙門支領口糧該地方官於按名散給後即可傳到紳約地保等令其領出酌量空閑處所分指住宿並即將所給口糧止准請領一次不准重支面爲曉諭則難

民等自不待催促僨赴前途矣至回籍以後
豈能永遠仰給官糧卽入官逆產亦不敷遍
給此等皆鄉愚無知若派充衙役殊多悞事
給與官紳等服役又與罪人爲奴無異均不
可行應無庸議其投到時照賑卹例散給粥
饑及到籍後有業者聽其自行經理如有原
業被人佔據者稟官追給仍令各地方官將

作何安頓之處詳報上司均應如所議辦理
一據稱此項難民內無家可歸無人可倚若強
令就道非所以示體卹應請將年老殘廢之
人分撥附近州縣支給孤貧口糧以終天年
其婦女幼孩卽勸諭仕宦之家殷實之戶分
領養育以供使令不定主僕名分仍由官發
執照等語查年老殘廢之人分撥附近州縣

支給孤貧口糧以資養贍事尙可行至婦女
幼孩若勸諭仕宦殷實之家分令養育以供
使令紳戶等未盡樂從况又不定名分尤
難管束應毋庸議

一私從賊巢逃出之人應請出示近卡者赴卡
近城者赴城兵役人等不得留難阻滯立即
帶交地方官查問明白給以印花腰牌或願

回本籍或他往依傍親友卽給以執照令其
自行賣投該地方官交保管束仍造冊申報
並於朔望查點等語查此等由賊營逃出者
兵役人等原不得阻滯留難應如所請如有
近城近卡者立卽帶交地方官吏或願回本
籍或他往依傍親友當卽給以執照令其前
往各營生理至朔望日查點專涉煩擾應毋

庸議

一教匪頭目悔罪投誠詣營自首者請行寬宥
仍由督辦大員面察真僞或厚加犒賞或假
以詞色或令寄信邀約或令回巢遍傳俟大
局完竣後將作何辦理之處請

旨定奪等語查教匪因不肖官吏擾累激成殺吏戕
官勢無反顧因復煽誘迫脅蟻聚多人恃險

抵拒其中人衆力強者卽爲著名首惡而宵
小奸民乘機附和亦復自爲渠魁其實所持
者在股數多而路徑熟我兵動爲牽綴遂得
肆其鴟張今旣剿撫兼施自應釋其疑畏予
以寬宥但不必厚加犒賞過示優容而令其
寄信邀約回巢逼得更非事體所宜應無庸

議

擬交經畧勒保另行籌議三條

一據稱請將此次欽奉

上諭敬謹謄黃再以方言里語刊成告示遍行粘貼
並請於川陝楚豫之地各設安撫營一二處
或三四處每營撥給精兵千名

欽差大員一人督辦招徠安撫之事各給

欽差安撫使關防如賊營內自行投出者概免其罪

能勸諭數人及數十人投出者分別賞資銀
錢頂戴或能帶領一股投出者卽賞以職官
奏請敘用等語查教匪等此次經勒保將欽
奉

恩旨廣爲宣布之後陸續就撫及臨陣投出者已有
成效從前三年中地方官亦會屢發告示迄
不見就撫之人是官爲出示不若

王言威格之真且速也今該護撫請再以方言呈請
刊成告條甚於體制不協應毋庸議至設立
安撫營特派安撫使給予關防一節查剿撫
機宜同時並用若於軍營之外又設立安撫
營帶兵各員之外又添派安撫使則地方既
不能有如許大員分司其事亦無如許兵力
分駐各營應毋庸議至所稱投出之人分別

人數多寡賞給銀錢頂戴官職之處事尙可行應令勒保臨時酌辦用示招徠至意

一據稱投出之人請各給腰牌一面上貼安撫使關防印花寫自行投首遵

旨免死字樣沿途請領口糧其攜帶眷口貲財者另給黃旗將眷口貲財寫於旗上不許與外人結伴通傳又處兵役八等驗明放行仍掛號

備查等語查投出之人官給憑據事屬可行
若明寫遵

旨免死字樣實屬非體且恐易長刁風至所稱眷口
貲財另寫黃旗通傳放行誠恐查察既有難
周而留難勢有必至應毋庸議其應如何官
爲辦給憑據併酌予口糧盤費請

勅下勒保另行籌辦

一據稱難民中年少之人或本係孤苦或室廬
被焚與其遠歸無依不如謀生異地請分撥
向無邪教各州縣設法安置等語查年少單
身無家可歸自不必強令回籍但官給口糧
可暫而不可久官爲稽查宜分而不宜聚應
如何分撥安插暫資盤費俟賊平後聽其隨
地謀生之處應令勒保酌核妥議辦理奏入

得

旨所議公正簡明准駁合理遇報便發交勒保並令
永保馬慧裕知之

初五日

癸巳

恒瑞奏言

臣

前因廣元賊匪竄近南

鄭邊界遂帶兵馳回青石關截剿探得該匪係
鮮大川一股先經漢興道文需率勇嚴防卡隘
賊匪旋即折向南竄現距邊界已有三百餘里

其紫陽安康西鄉一帶沿邊竄匪雖經王文雄
慶溥柯藩溫承惠等帶領兵勇協力逼剿出境
尙在川省沿邊大山老林內出沒無常官兵若
追入川境恐賊匪乘間由他路北竄反落其後
是以_臣等擇要分布聯絡堵禦至張映祥一股
竄入甘省階岷等處署藩司廣厚總兵吉蘭泰
兵力甚單_臣前已札令廣厚酌量就近添調官

兵以資堵剿今據稟續調兵一千五百名並據
肅州鎮總兵索費英阿稟報亦帶兵二千名前
來又有將軍富成帶領兵勇七千餘名自可合
力剿辦臣本擬俟永保回陝卽帶兵馳赴江北
與明亮等先將張漢潮一股剿洗茲據隴州知
州李承道都司綽克圖稟稱張映祥分股賊匪
已竄至通渭縣境查該處距隴州三百餘里已

無渭水之隔若向東北奔竄卽係陝甘大路富
成等官兵俱在賊後而陝省邠隴及甘省平涼
一帶又無兵備萬一賊匪乘虛竄入則完善地
方復遭蹂躪且兩省元氣全在腹地非南山邊
境可比臣自應先顧其急現已飛札王文雄督
率慶溥柯藩於興漢邊界隨時確探賊蹤小心
防堵並酌留副將馬兆瑞帶兵一千六百名駐

紮南鄭要隘永保不日亦可到陝臣現由棧道

馳赴北路探聽前進實力剿堵再遵查副將田

有成守備劉合二員均經出征受傷給有功牌

自應遵

旨以原品休致並查延綏波羅營叅將皂常保因患

腰腿疼痛現在興安調養未能痊愈該員亦前

經出征受傷應請

旨一并准其原品林致奏入

上命軍機大臣傳諭明亮恒瑞永保廣厚曰陝省南路賊匪鮮大川一股經文需督率兵勇截回而紫陽一帶竄匪亦經王文雄逼剿出境所辦尙好恒瑞以官兵若追入川境恐轉落賊匪之後是以擇要分布聯絡堵禦所辦亦是其竄入階岷等處之張映祥一股廣厚吉爾泰兵力較單今據奏廣厚

稟稱續調兵一千五百名而索費英阿亦帶兵三千名前往自屬得力但廣厚所謂係何處之兵摺內未據敘明至張映祥分股賊匪是否卽係前次廣厚等剿散之餘賊又竄至通渭縣境恒瑞若卽馳赴江北則通渭竄匪或乘虛闖入陝甘大路殊有關係恒瑞現由棧道馳赴探剿所見甚是此時永保自己到陝著恒瑞於永保到後卽帶兵前赴

甘省與富成吉蘭泰廣厚等會剿張映祥一股其
張漢潮一股卽著永保會同明亮等合兵奮擊以
期迅速集事其陝省邠隴及甘省平涼一帶現據
恒瑞奏稱並無兵備豈不又與寧羗平利等處情
形相倣其應如何酌量抽撥分防之處并著恒瑞
永保等妥爲籌辦至張漢潮股匪明亮與肇帶兵
追剿爲日久何以總未據奏報又涉遲延故智

矣並著明亮將此股賊匪現在何處奔竄及如何
痛加殲剿之處卽行具奏又副將田有成守備劉
合二員及叅將皂常保俱因老病不能帶兵均着
准其原品休致

初九日丁酉馬慧裕奏言臣於三月十七日途次

興平接據探報張漢潮一股竄至留壩廳屬江

口臣查江口以東由滴水崖魏川卽可直達斜

峪關該處爲南山路通平原第一山口地勢甚

爲散漫

臣

卽由武功扶風小路趕赴斜峪關察

看情形就該處原有鄉勇六百餘名移住山口

內觀音嶺蹇坡梁兩處晝則多樹旗幟夜則多

放號火大張聲勢以絕賊匪窺伺之念又恐鄉

勇力單飛調駐守子午峪之遊擊邢承誥等帶

領官兵五百名鄉勇八百名趕赴該處扼要設

卡堵禦其滴水崖魏川一帶爲斜峪關來路王文湧連年在彼情形極爲熟悉卽令該道帶領防護棧道總口之壯丁鄉勇三百餘名前赴該處住守連日接據探報張漢潮一股經明亮帶兵追剿由洋縣五郎關入鎮安境內距寶雞郡縣約四五百里不等北路似可無虞適據甘省秦州稟稱賊匪張映祥一股由渭河北山竄至

通渭縣屬之榜落李辛並據隴州知州李承道

稟稱探得賊匪已至秦州之三陽川石灘距秦

州三十里有由秦安漸奔東南之勢復據固原

城守遊擊蘇楞額移稱派撥官兵前赴靜寧安

定防守各等語查通渭切近隴州而靜寧安定

又係直通邠乾大路一望平原無隘可守若由

秦東趨鳳縣棧道更爲可慮附近各標營存兵

無幾^大以調撥隨飛調駐守寶雞山門口之都

司綽克圖帶領新兵二百餘名趕回關山本營

復飭鳳翔府知府崇祿前赴隴州督同知州李

承道多僱鄉勇協同新兵分段防堵復調省城

壯丁五百名委令遊擊毛伏帶領前來以備派

撥並稟請恒瑞體察情形迅爲籌度

臣

暫住寶

雞棧口分探西北兩路何處緊急卽調斜峪關

滴水崖各兵勇親身帶往設法堵剿若竄至通

渭秦州之賊無虞爾入陝境

臣

卽行馳赴漢中

至張漢湖零股竄至孝義藍田切近省城經按

察使台斐音督同文武設法防堵尙屬嚴密所

有各路軍火糧餉俱經寬爲預備不致稍有貽

悞再陝省從前北路關係至重今西路又復戒

嚴縱橫二千餘里各營卡官兵不滿二千名聞

川省之賊經額勒登保連獲勝仗殲擒甚多現
在稟商恒瑞札致經畧勒保酌抽得勝之兵二
三千名分撥陝甘以資剿辦奏入

上命軍機大臣傳諭明亮恒瑞永保馬慧裕曰馬慧
裕奏現在張漢潮一股由洋縣五郎關入鎮安境
內其零股賊匪竄至孝義藍田又張映祥一股自
通渭竄至秦州秦安有漸奔東南之勢是此二股

賊匪分投奔竄陝省東西兩路均關緊要鎮安以東卽係商雒一帶與豫境接壤孝義藍田地方距西安省城甚近而由秦安折竄之賊東南可趨鳳縣東北亦可達省城計賊蹤所至之處不下二千餘里地方極爲寬廣雖現經馬慧裕分派兵勇防堵然各營卡官兵不滿二千名實屬不敷分撥前據勒保奏撥出陝甘兵一千餘名派往陝西並調

山東兵一千餘名當經降旨令東省迅速派往不日即可到陝着明亮恒瑞等於此項官兵到陝後卽行留用務須乘新兵銳氣奮勇直前速將張漢潮張映祥兩股賊匪全行殄滅毋任再有蔓延至明亮於張漢潮竄至鎮安藍田等處情形並未奏及殊不可解着卽迅速具奏再秦承恩昨經解到當令軍機大臣嚴訊其緊閉西安城門不准難民

進城一節據供伊與王文雄總在軍營並未在西安城內居住直至三月初一日賊匪竄入南山與肇柯藩王文雄帶兵往南剿賊秦承恩始於是日辰刻進城本爲安撫百姓非因避賊次日仍卽出城赴王文雄軍營前此關閉城門係陸有仁台斐音在彼秦承恩到時始行開城聽民出入至西安城壕向來無水近郊百姓多已避進城內實無難

民觸城投河之事等語秦承恩進城出城皆有日
月可憑賊匪由盤屋向東奔竄時距城較近係陸
有仁台斐音在城內防守將城門關閉亦有確切
証見秦承恩果否於初一日進城初二日卽赴王
文雄軍營無難一詢而得着恒瑞永保馬慧裕就
近詢問王文雄柯藩台斐音令其詳核秦承恩供
詞或虛或實逐一登答毋得稍有瞻徇又據秦承

恩供蘇維龍前在唐藏地方殺賊陣亡百姓尋獲
蘇維龍屍身爭送棺木一節與陸有仁面奏情形
相同至蘇維龍係於本年正月內經秦承恩始行
派往留壩其在彼駐劄一年之說似無其事又據
秦承恩供兵丁焦忠孝緊護蘇維龍殺賊尤多被
賊捉住恐賊戮燬蘇維龍屍身自認爲帶兵官員
被賊剜眼支解等語蘇維龍前已有旨查明交部

優卹焦忠孝以微末兵丁能知大義殊堪嘉憫著
賞給千總銜卽照千總例咨部議卹俾伊子孫得
有世職以示獎勵

同日

上諭內閣曰陝省被賊蹂躪地方較河南爲甚前旣
將河南盧氏等州縣錢糧施恩豁免陝省自應一
體加恩所有被賊蹂躪之西安府屬孝義五郎咸

寧長安藍田渭南鄠縣盩厔鳳翔府屬寶雞岐山
扶風郿縣漢中府屬留壩寧羌南鄭城固洋縣西
鄉畧陽沔縣褒城鳳縣同州府屬華州興安府屬
漢陰安康平利紫陽洵陽石泉白河商州並所屬
商南鎮安山陽雒南等三十五廳州縣本年春徵
地丁帶徵正耗鹽課銀共三十三萬八千七百一
十五兩零未完本色糧四萬一千七百四石零又

未完乾隆六十年並嘉慶元二二三等年緩徵帶徵
地丁正耗鹽課銀共二十八萬六千二百九十兩
零本色糧一萬五十六石零俱着加恩全行豁免
其隣近賊氛路當孔道之西安府屬咸陽興平臨
潼高陵涇陽三原富平醴泉鳳翔府屬隴州鳳翔
汧陽同州府屬潼關大荔華陰韓城蒲城白水澄
城邠州並所屬長武淳化乾州並所屬武功永壽

等二十四廳州縣太年春徵地丁並帶徵正耗鹽
課銀共四十四萬六千七百六十四兩零本色糧
四萬一千五百石零未完乾隆六十年並嘉慶元
二三年緩徵帶徵地丁正耗鹽課銀共四十萬
八千九百八十兩零本色糧一萬五千八百二十
一石零亦俱著加恩寬免十分之三以副朕軫念

災區加惠閭閻至意

初十日戊戌明亮與肇奏言張漢潮一股賊匪經

臣等於米湯河等處連次痛剿之後該匪由川

河口冷水溝一帶翻山銜走連日並未屯紮察

其所向總在偏東南一路捷竄十二日趕至淨

水河擒獲哨探賊匪何元魁等五名訊據僉供

張漢潮畏懼馬隊官兵與冉學勝等商量若向

平陽大道擄掠恐被官兵趕上不如總在萬山

之中人馬難行之處往來躲避我尋分散之零
股人衆併力抵拒昨日詢問老關廟擄來土人
據說從此處翻山出去可通寧沔棧道張漢湖
卽率衆前行留我等在後探聽官兵信息餘無
要供當將該犯等梟示伏查寧沔大道係川陝
門戶並通甘肅要路糧餉軍火絡繹不絕張漢
湖在各股賊匪中尤爲狡猾若被梗塞關係匪

輕臣等一面飛咨恒瑞佈置防堵猶恐路歧地

廣臣明亮星夜由黃沙驛褒城一路兼程繞出

賊前十二日趕至馬道驛適值恒瑞帶兵在武

關驛堵禦並派總兵觀祥帶兵在留壩防守聲

勢極爲聯絡探得張漢潮已竄至沙嶺子地方

距棧道僅三十餘里正擬併力進剿詎該匪連

夜由梳杆石小河口一帶折回偏北奔逃恒瑞

以南路報稱川匪竄近卽帶兵由褒城前進

臣

等晝夜窮追二十二日馳抵回子壩遙見賊匪
後隊隔一高山飛卽督兵前進前隊馬兵趕上
僅擒殺十餘人該處萬山重疊路徑陡險餘匪
業已翻山四竄連日尋蹤躡迹每日行至百數
十里二十三四五等日大雨泥濘兵丁竟日只
能行走七八十里又探得張漢潮從前分出另

股賊匪前後相離二三百餘里分起狂奔希圖牽

綴官兵深爲可恨臣等左追右擊總期逼歸一

處庶免顧此失彼之慮初二日探得張漢潮大

股賊匪在紅門寺紮營而分出賊衆在龍王廟

屯聚是日戎刻臣等馳抵石崖溝距兩股賊匪

屯紮處所均有六十餘里臣等三鼓發兵黎明

督兵馳至龍王廟該匪甫拔營前竄人數不過

千餘人擒獲賊匪王元勳等供稱是分出另股
賊匪昨日纔會見大股令我等在此守候張漢
潮在紅門寺紮營離此二十餘里訊明後卽派

鎮臣長春協領那令遊擊應元寬等帶兵圍剿
小股賊衆冀使逼歸一處臣等趕至紅門寺賊

匪已扒上山梁臣明亮督率愛星阿侍衛莫新

遊擊游棟雲等帶兵從山腰小路冀搶上山頂

下壓

臣

興蕤同鎮臣關騰協領巴克坦布從山

梁緊追前進無如山徑險仄亂石層疊

臣

等牽

馬魚貫前行

臣

明亮甫至山梁賊匪已竄上山

頂吶喊搖旗滾石如雨官兵儘力仰攻鎗箭齊

發梟賊二十餘人生擒四十五人把總陳俊首

先追趕面帶矛傷外委張雲腿受矛傷賊匪遂

從老林遁入

臣

等分路翻山追擊適長春等將

小股賊匪擒殺二十餘人已由山後將餘匪逼

歸張漢潮一路前竄臣等盡力繞道窮追沿途

又殺賊五十餘人時已傍晚祇可暫紮訊據獲

賊僉供張漢潮被官兵追殺甚緊原欲與小股

合夥人數衆多就可抵敵官兵往河南盧氏一

帶擄掠人馬再作計議昨日聽說小股矛手已

來張漢潮令其在龍王廟紮營守候不料被官

兵追來剿殺伊等都翻山從老林逃去等語查
此內有向來習教並隨同打仗之符正坤等三
十七名均卽正法其張象和等二十一人俱係
被擄未久卽發交知府趙洵訊明就近解赴商
州細加查核散給驗票妥爲安置臣等將張逆
奔竄情形一面飛咨河南撫臣確探迎攔以期
兩面夾擊惟是該匪折竄無定雖人數不過三

千有餘必得多兵分路截剿前已札商勒保撥
派協剿官兵二千名前來嗣接覆知未能抽撥

囑

臣

就近與恒瑞商調協剿查陝省防江萬餘

兵內此時亦暫難抽派正在萬分焦灼適接恒
瑞奏稿俟松筠永保有一人到陝伊卽抽帶官

兵馳赴江北與

臣

會剿張漢潮賊衆恒瑞未到

之先

臣

斷不敢稍涉因循耽延時日况豫省兵

單將少

臣

所深知現仍儘此兵力上緊剿截不

使入豫爲要再據漢興道文需鳳縣知縣何其
英查報遊擊蘇維龍帶領兵勇八百餘名除押
解軍火要路分守外實祇帶兵五百餘名趕至
唐藏地方適張漢潮一股賊衆因三面圍擊搶
命從唐藏地方衝出蘇維龍見官兵闌截不住
卽首先衝入賊隊受傷陣亡並傷亡官兵八十

一名知縣何其英驗得該遊擊屍身頭頂胸腹
等處受矛傷十餘處等情臣等覆查無異實係

賊眾兵單奮勇鏖戰致被賊戕並無臨陣潛逃

畏賊藏匿情節再臣明亮前奏有鎮將帶兵防

堵均係有名無實二語欽奉

諭旨令查明指名嚴叅等因查陝甘楚豫皆有官兵
防堵何以使賊匪乘間突入往來自如實緣各

督撫身任封疆有應辦之事不能時臨行陣每據地方官稟報卽派撥鎮將帶兵防堵協剿原期夾擊集事無如往返札調已屬耽延而鎮將等因上司調度未中窺要遂爾借端遠避所以賊至兵無影兵來賊沒蹤等謠早邀

聖明洞鑒以致有防堵之虛名而無剿辦之實用相沿習慣非止一處彼時卽應據實嚴叅伏思

臣

皇朝通志卷之三十三
三十一
統領一路官兵不能及早蔽功更復諉卸他人
實覺無能鮮耻因而未敢陳奏今仰荷

天恩不以臣剿辦遲延立加重譴復蒙

簡放叅贊申明軍紀事歸核實臣已行知陝甘豫楚

帶兵鎮將咸知警惕痛洗惡習嗣後惟有謹遵

聖訓如有奮勉立功者據實奏請破格

施恩選悞無能者卽指名嚴叅斷不敢稍存迴護自

蹈重譴

同日河南巡撫吳熊光奏言臣於四月初三日

自省起程前赴盧氏巡查防堵初五日在鞏縣

途次准鎮臣張文奇札會並據盧氏令盧建河

等稟稱探得陝省張漢潮前股賊匪於三月二

十九日由鎮安山陽竄入商州西南邊境之東

西牛槽赤水峪一帶滋擾恭贊明亮統兵追剿

繞路攔截其後股賊匪西竄藍田二十九日復
竄往藍田東南之草坪雷家川又據南陽府知
府周璣等稟稱探得陝省有一股不知姓名賊
匪約二千餘人馬四五百匹由洋縣之涼心河
竄至五郎廟地方有東趨鎮安之勢各等語

臣

查商州之西約距盧氏邊界四百餘里商州之
南係豫省浙川縣之西坪等處雖相距尙遠但

伏牛山在盧氏漸川之間路徑叢雜巡防更宜

嚴密臣已飛札防守漸川各要隘之田永桐駐

防盧氏等處之張文奇等於各扼要處所督率

兵勇慎密防範設賊匪因明亮追剿竄近豫境

該鎮等即可與明亮三面夾擊惟是張漢潮股

匪係明亮帶兵專剿今此股賊匪分爲前後兩

股自係賊匪牽掣官兵奸計且現據探有不知

姓名賊匪由洋縣五郎廳東竄如果屬實是又在官兵之後尤恐明亮顧此失彼豫省官兵前經景安王文雄帶往楚陝四千餘名目下南北兩鎮共止帶兵三千四百餘名盧氏一帶邊境遼瀋綿亘千有餘里勢不能再行抽撥昨准署山東巡撫岳起來咨於充登二鎮標內選撥壯健兵丁一千三百四十九名派委將備等官統

領前赴川省以補遣回調養兵丁之數分作六

起間日行走由豫陝一路前往頭起於四月初

九日可入河南考城縣境臣伏思川省賊匪近

據南陽府陝州探報賊目蕭占國等業經額勒

登保帶兵殲斃軍威大振而陝省統兵大員僅

有明亮一人所帶兵丁似不敷分投剿捕查山

東兵丁必由陝州一帶經過臣已密札張文奇

不妨先於邊境聲言

臣

現帶山東勤旅前赴邊

境堵剿以壯聲援

臣

於途次儼行初十內必可

到盧氏俟抵該處再就近察探如明亮所剿賊

匪勢已窮蹙卽令東省兵丁仍赴川省設尙須

兵力

臣

卽將東省兵丁一千三百四十九名一

并暫留迎交明亮以資協剿俾迅速廓清陝境

則豫省邊境自更臻寧謐

臣

現飛催東省兵丁

迅速前進并將暫留緣由分咨四川山東及明
亮知照適又接准明亮來咨內稱張漢潮一股
賊匪現由牧護關前道察其所向及擒獲賊目
鄒盛發等僉供仍欲走西平盧氏一帶關入河
南擄掠臣查牧護關地方與西坪盧氏一帶接
壤犬牙交錯路徑相通卽飛移鎮臣田永桐張
文奇等於西坪盧氏等處各要隘嚴密巡探迎

頭攔擊

臣

卽由河南府趕赴盧氏等處邊境就

近悉心調度以期周妥應用軍火等件據陝州知州諸以謙稟稱俱已密爲備辦如明亮帶兵來近豫境可以應付無悞均奏入

上命軍機大臣傳諭明亮恒瑞興肇吳熊光曰張漢潮股匪昨據馬慧裕奏到由洋縣五郎關入鎮安一帶總未據明亮等奏報茲始奏到追擊情形又

踏從前因循故習張漢潮老病無能屢經敗竄因
明亮等未能及時撲滅致令四出奔逃又復勾結
滋擾現據所奏官兵因山高泥濘不能迅速行走
而賊匪於紅門寺山梁及山徑險仄亂石層疊之
區則皆早經越過是奔逃之賊不畏雨水泥濘而
官兵獨畏泥濘疲乏之賊尙能亟走而官兵獨不
能捷追有是理乎殊可愧耻其覆奏蘇維龍受傷

陣亡之事未將兵丁焦忠孝保護蘇維龍代認職
官被賊戕害一併查奏亦屬疎漏昨因陝省兵力
究覺稍單已降旨令將山東新調兵丁全行留陝
應用並先將續調之兵卽至廣爲宣布以懾賊膽
本口據吳熊光奏到所見皆與昨旨相合可嘉之
至但此時河南邊境正關緊要吳熊光惟應在交
界處所竭力防堵毋令賊匪闖入豫境最爲要着

亦不必越境辦賊現在山東頭起兵丁於四月初九日已入河南考城縣境計可陸續前往吳熊光於此項兵丁到後惟當妥爲照料催令迅赴明亮等軍營以資協剿明亮興肇旣經延緩於前得此項生力新軍當倍加愧奮鼓勵士氣將張漢潮等股匪剪除淨盡庶可稍贖前愆倘再曠延時日試令自問當治何罪耶至張映祥一股賊匪有由秦

卷之三十三 三

安漸奔東南之勢恒瑞當預爲防範合力協剿毋
令再有蔓延爲要此時如張映祥一股業經辦竣
恒瑞卽帶兵速赴明亮等一路會同夾剿更可期
迅速竣事又向聞河南有知州諸以謙縣丞林嵐
平日居官尙好於堵禦事宜頗爲出力並著吳熊
光留心查察該二員果否居官勤慎堵禦認真之
處遇便據實覆奏候旨加恩

欽定剿平三省邪匪方畧正編卷九十六

己未年

四月十一日

己亥

勒保奏言查額勒登保於廣安

州屬之城頭堰石筍河地方將冷添祿一股首

夥掃蕩之後

臣

卽商令帶兵趕剿包正洪張子

總等股匪衆額勒登保探聽包正洪已向長壽

涪州境內竄逸人數較少當派朱射斗於石筍

河一帶搜捕而張子聰逃往墊江一帶人數較

衆自應先行剿捕額勒登保連日督兵進發沿途多有落後散出者每日數十名至一二百名不等據供張子聰因聞官兵追躡極形畏懼晝夜翻山逃走日行百數十里我等被擄之人見有膽黃告示投出可以免死所以紛紛逃散等語均經額勒登保隨時訊明發交地方官安插仍催兵盡力窮追二十三日從金雞場越過數

重大山將至梁山之向家場時已申刻探得該處屯有賊衆維時祇有格布舍豐紳等帶領馬隊趕到額勒登保卽催令趕剿該匪等竟敢施放鎗礮直前抵禦我兵正在奮力馳擊適總兵楊遇春帶領步隊到來鼓勇競進賊勢頓却官兵分追二十餘里斃賊三百餘名生擒楊一禮等一百五十六名時已昏黑餘匪向箐林口奔

竄有逸入忠州萬縣之勢當派總兵銜穆克登
布帶兵由分水嶺迎截額勒登保率兵緊追二
十六日至忠州之永興場又趕殺賊匪一百餘
名該匪前隊正由葫蘆壩竄往分水嶺適遇穆
克登布等截住殺斃騎馬賊目三名匪衆七十
餘名賊卽折回趕場壩至萬縣之瑞池一路潛
逃我兵兩面夾擊於二十七日辰刻至水磨河

該匪正躡淺過河立時殺死並淹斃男婦大小
三百餘名口生擒周順漢等二百三十四名均
分別正法釋放現在督兵向雞捲門追剿至德
楞秦一路官兵因徐添德一股由團壩子向東
奔竄恐其闖入楚疆帶兵赴夔州迎截而徐添
德被剿窮蹙亡命狂奔探知大兵到夔旋向大
寧境內與卜三聘等股合夥徐添德不敢與官

兵接仗祇藉別股賊匪攔路爲免脫之計是以
德楞泰於初十十三四等日在羊橋壩一碗
水九灣子土地垓等處四次殺賊數十名至二
百餘名不等共拏獲活賊李貴曾祖得等一百
四十三名訊係卜三聘王光祖夥內之賊又於
十八日在高龍河殺賊四百餘名生擒向正賢
等一百三十一名訊係李樹夥內之賊直至十

九日在太平之修基壩始將徐添德趕及該匪
正與李樹一路屯聚一見官兵卽率衆前來迎
拒我兵馬步並進痛剿賊匪五百餘名由迴龍
觀追至雞籠溪沿途又殺死四百餘名生擒鄧
時顯等二百十七名訊知李樹龍紹周唐大信
等俱由陝西紫陽竄入太平縣境李樹與徐添
德商量仍欲由城口竄入陝西今被官兵截殺

已向太平屬之明通井一帶折竄而龍紹周唐
大信尚在修基壩相近之渡口場屯踞德楞泰
恐其抄我後路二十一日又督兵進擊斃賊二
百餘名生擒劉興茂等四百三十八名又投出
被脅附近良民男婦二千三百餘名口據供龍
紹周等亦翻山繞路向明通井竄去德楞泰卽
帶兵由大塘壩一帶進剿所有節次擒獲並投

出之人均經訊明將真正賊匪立時正法其餘
難民俱酌給銀米釋放回籍

臣

查各股賊匪刻

下俱已逼入川東所有陝楚邊界均應加意堵

截茲又飛咨景安高杞并行知王文雄柯藩慶

溥等將東北兩面堵截事宜責成妥辦川省現

有額勒登保德楞泰兩路官兵分投剿賊儘可

辦完一股再辦一股以期迅就蕩平至張漢湖

尙在漢江以北往來奔竄臣已知會明亮恒瑞

永保等務須併力先完此股卽可騰出兵力爲

邊境堵剿之計其張映祥一股現據探報在階

州岷州一帶游奕查岷州附近鞏昌距甘肅省

城不遠西通番境南與川省龍安松潘等處毘

連臣查此股賊匪本係責成富成專剿乃數月

以來未能痛加剿殺以致闖入甘境現在一面

嚴飭富成亟應痛改從前怠玩積習上緊剿辦
以贖前愆一面檄飭吉蘭泰廣厚協力堵截并
知會恒瑞酌量情形如張漢潮日內可以辦完
卽回甘肅督剿以期剋期殲滅再查巴里坤總
兵德寧歷次出師著有勞績此次隨同德楞泰
剿辦教匪打仗極爲出力茲在大梁地方因追
賊緊急由溝底催兵攀躋而上當時吐血不止

仍復力疾帶兵不肯少解於三月初三日至七
星孺身故殊堪憫惜可否量予卹典之處出自
皇上天恩

勒保又奏言

臣

前奉

諭旨以應行更調兵丁一節飭臣等議維時因賊勢
尙屬散漫多得一兵可得一兵之力是以議將

山東兩廣雲貴等省節次傷亡病故及傷病已

未遣發兵數知會各本省照數補派嗣因陝省
需兵又經奏明將山東省補派之一千餘名就
近卽留陝省調用至川省官兵除先經奏調外
年餘以來因川東川北各屬並龍安等處均需
添兵調補復經宜綿英善及臣先後調派又有
九千餘名刻下仰仗

天威已將冷添祿等三股匪衆剿盡卽各路亦均有

起色所有兩廣應補之兵臣已遵

旨飛咨停調其缺額之數并不必於滇黔兩省內

再行添派惟雲南省應補兵一千九百二名先

經臣知會富綱等照數補派該省兵丁本爲趨

健且距川較近自應仍令來川如日內再得辦

完一兩股則竣事在即雲貴兵亦當飛行停止

再火器健銳兩營滿兵所支分例較多又因日

久疲乏除現留前敵各營打仗外其駐守開縣
之兵應遵

旨交於六十七一併帶領回京其開縣一路臣已另

派現駐達州防守之成都滿兵交與協領隆德
等帶領前往更換足資防禦再臣前據合州知

州龔際美稟稱火器營滿兵韋馱保烏靈阿釋
迦保富林布四名隨帶跟役王姓謝姓二名由

寧羌州病痊赴營又漢兵劉起貴等十三名由營山縣病痊赴營同日到州正值賊匪在州境雙鳳塲龍洞沱一帶水次滋擾當經該牧給予口糧路票飭令該兵等由璧山陸路行走詎韋馱保等出城後竟私雇秦萬順船隻開行甫至田家石地方被該處團勇姚文遺等疑賊殺斃該牧卽將起意擅殺之團首姚文遺并幫同下

手之團勇王世林等全行拏獲

臣

卽飭委重慶

府知府趙秉淵嚴查究辦茲據覆稱當韋馱保
放舟之時正值田家石對岸龍洞沱一帶有賊

屯踞欲圖搶渡該團首等連日在河沿堵禦一

見上游有船放下卽用礮轟擊致將船梢打破

未及隴岸該兵等俱覓水奔逃姚文遺益信爲

賊卽令團勇王世林等趕拏到寨細縛詢問韋

馱保等將路票給予閱看姚文遺因見票註陸路不應由水路行走卽指爲賊匪假冒官兵無疑喝令王世林李思元蔡景芳吳俸陳朋張玉先吳正義陳正品文東章等將韋馱保等十九人全行殺死棄屍河內屬實臣查團勇禦賊原應認真稽查但旣經韋馱保等將路票給看雖票註水路不符亦當解官究辦且有滿兵在內

口音亦各不同自不難於辨認乃姚文遺旣不
送官又不查問虛實竟喝令王士林等將各該
兵全行殺斃恐別路圍寨或有效尤則擅殺無
辜此風斷不可長當經飭令該地方官將姚文
遺等十犯一併正法以示懲儆仍通飭各州縣
并出示曉諭各團寨義勇嗣後盤獲之人無論
是否賊匪均應送官究治以杜擅殺之漸奏入

上命軍機大臣傳諭勒保曰勒保自爲經畧以來調度均合機宜今奏到剿賊情形一切章程亦屬妥協卽如當日富成所剿張映祥一股賊匪闖入甘省未能截住或因兵單所致而勒保以此股係富成專剿之賊數月來不能痛殲卽嚴飭該鎮令亟改怠玩積習上緊剿辦似此約束嚴明使將領知所敬惕深得經畧大臣之體若再不認真出力卽

著勒保據實嚴行叅奏至額勒登保剿辦包正洪
張子聰等股賊匪因張子聰一股賊數較衆先應
剿捕當卽親自督兵追躡別遣朱射斗往追包正
洪於緩急輕重機宜籌酌極爲得當其德楞泰一
路追剿徐添德至太平縣境正值徐添德與李樹
合夥欲商同竄赴陝西經德楞泰奮力截擊賊匪
始行折回設非伊趕到截住則彼時張漢潮正在

鎮安一帶徐添德復自南而北明亮一路官兵豈
不腹背受敵今幸未入陝境已向太平之明通井
竄去雖賊首未獲殺賊亦不爲多而德楞泰截剿
得力之處亦屬可嘉皆勒保調度合宜之明驗又
奏稱停調兩廣應補之兵并不必於滇黔兩省
內再行添派等語所辦俱好所見甚是向來軍營
習氣皆以賊多兵少爲詞每欲增添兵力藉壯聲

威令勒保既經停調粵兵又以賊匪剿辦一兩股
後並可停止雲貴之兵看來軍營事機順利勒保
胸有把握故爲斯言朕覽奏稍爲欣慰勒保惟當
悉心籌畫察看各股賊匪奔竄情形分飭各路領
兵大員相機剿辦但現在陝省兵力尙單勒保亦
當酌量資助俾各處均得及早成功仰慰

在天之靈朕惟翹首西南計日以待捷音勉之望之又

總兵德寧積勞身故深爲可憫著咨部照傷亡例
議卹至團勇殺斃兵丁十九名該地方官將姚文
遺等十犯一併正法一節所辦亦是向聞村民借
團練禦賊爲名往往報復私仇并有將逃難民人
及單身行走者肆行戕害報功之事今勒保嚴行
懲辦使各處鄉勇知所做懼不敢虐及無辜嗣後
凡有盤獲之人均令送官究辦以杜擅殺及報復

私讐之漸

同日

上諭內閣曰川東川北地方自賊匪滋擾以來被難
民人殊堪憫惻所有被賊蹂躪之川東道所屬奉
節大寧巫山雲陽萬縣開縣達州東鄉太平新寧
忠州梁山墊江酆都江北涪州合州長壽定遠十
九廳州縣川北道所屬閬中蒼溪南部廣元昭化

巴州通江南江南充儀隴蓬州廣安營山渠縣大
竹隣水岳池十七州縣共三十六廳州縣地方應
徵本年地丁錢糧及近賊之石砭巴縣璧山劍州
西充五廳州縣應徵本年地丁錢糧俱著加恩全
行豁免其本年蠲緩之石砭江北岳池蓬州南部
涪州合州忠州鄂都墊江閬中昭化劍州南充西
充巴縣十六廳州縣及去年請緩之黔江一縣均

有緩徵嘉慶三年地丁錢糧又定達縣未完嘉慶
三年民欠江北長壽定遠涪州合州巴縣璧山巫
山雲陽萬縣開縣大寧忠州酆都墊江梁山達州
東鄉太平新寧二十廳州縣均有帶徵嘉慶二年
輪免錢糧案內火耗亦俱著加恩蠲免十分之三
以紓民力再被賊各州縣應徵鹽茶稅課銀兩開
有滯引未銷者亦著加恩展限緩徵以副朕軫念

災黎恩施無已至意

十二日

庚子

廣厚奏言查涼恭竄出一股賊匪經

臣與吉蘭泰在新寺鎮痛剿奔至寧遠之鴛鴦

嘴樂善鎮等處臣等卽行追剿並知會遊擊福

珠隆阿等帶兵八百名抄截福珠隆阿等行抵

什川正遇賊匪守備劉揮奮勇當先中矛陣亡

富珠隆阿守備馬成龍督兵繼進悉力迎擊殲

賊百餘人嗣賊匪大夥趕到拚死衝突我兵寡
不敵衆傷亡三百餘人千總徐忠把總楊華外
委范士賢張成義于化林陣亡勢在危急福珠
隆阿恐隨帶鉛藥爲賊所得遂卽點火燃燒轟
死賊匪四五十人福珠隆阿馬成龍亦卽陣亡
賊匪當由桃花山西竄直趨鞏昌府城臣途次
聞信思鞏昌爲省南咽喉關係最重若仍從後

躡剿不但程途稍遠緩不濟急且恐賊匪乘勢
北奔闖入蘭州邊界迺查有細麻溝捷徑若由
此前進既可迅抵鞏昌兼可遏賊前路遂卽帶
兵兼程馳往距城十數里見賊夥多人正在山
坡下視勢將直撲府城賊匪不意我兵猝至卽
行奔逸臣等飭令兵丁將鑼鍋帳房等項全數
留後輕騎跟剿至涌渭之安遠地方追及賊匪

尾隊我兵直前趕殺殲賊八十餘人生擒宋廷
成等九人賊匪慌亂丟棄馬騾翻山向秦州所
屬之三陽川一帶奔逃外委吳愷廕生朱廷貴
陣亡兵丁傷亡二十三人_臣等因兵丁連日晝
夜行走頗形疲乏當飭畧爲綏息其生擒之宋
廷成等五人訊係正賊當卽正法田均瑞等四
人係本地裹脅之人卽行釋放至賊匪裹去民

人俱將髮辮截短並將女衣給穿以見其已經

從賊絕其逃回之路臣凡遇逃出之人俱令隨

營文員訊明妥爲寧釋並通飭各州縣一體照

辦其由宕昌竄出一股賊匪臣先因岷州地方

北達鞏昌西通狄道均係赴省大路當經飭令

該州李榮安爲防守並調肅州兵一千名在岷

州之馬廠堵禦寧夏兵五百名在狄道之官堡

駐紮賊匪探知守禦嚴備未敢攻撲州城果卽
奔赴馬廠適都司莫蕙普帶兵先到正遇賊匪
前隊該都司督兵放鎗擊斃七人賊匪當卽折
回奔赴州屬之馬塢一帶頃據探報已竄至禮
縣之褚家溝等處將軍富成現由楊家河一路
跟蹤剿辦至隨從福珠隆阿等打仗傷亡官兵
容查明另詳咨部再接據署甘州提督索費英

阿知會因聞賊匪竄至鞏昌距蘭州較近擬卽親自帶兵二千名前赴省城駐紮以備堵剿

臣

伏查軍興以來甘省各營兵丁調赴川楚等省不下二萬五六千名存剩防汛兵丁已屬無幾且甘涼肅州一帶地方遼濶番回雜處亦不可無大員彈壓若該處提督帶兵前來恐河西居民風鶴遙傳心生疑懼大有關係且賊匪現竄

秦州一帶離省已遠

臣

當卽札覆索賈英阿合

其仍回甘州止須派撥兵丁一千名來蘭交與

署督標中軍副將忠慶管領以資防護至將軍

富成剿辦賊匪

臣

節次接其知會殲賊多名是

以於前摺內照依富成來信聲叙嗣

臣

細加訪

查富成連次殺賊均止數十人不等茲蒙

垂問不敢迴護奏入

上命軍機大臣傳諭恒瑞永保廣厚曰此次遊擊禍
珠隆阿等帶兵剿賊適賊匪大夥趕到我兵寡不
敵衆以致員弁兵丁多有陣亡賊匪克橫情形實
堪痛恨幸廣厚帶兵由捷徑繞道前往爲迎擊之
計賊匪未敢窺伺鞏昌府城而岷州守禦亦嚴賊
匪不能攻撲所辦尙好此時廣厚已調肅州寧夏
兵丁在岷州狄道兩處駐守自可得力但賊匪往

來奔突亟須逼歸一處痛加剿戮方伸國憲因思
阿拉善兵距該處較近從前曾經調派著廣厚酌
量情形如現在兵力足敷堵剿毋須添調固屬甚
善倘尚需兵接濟廣厚卽一面咨會旺親班巴爾
酌調該處兵丁千餘名或五百名以資應用一面
具摺馳奏其所奏令索費英阿仍留甘州駐守止
須撥兵千名前赴蘭州防護之處自應如此辦理

所有陣亡之遊擊福珠隆阿守備馬成龍劉揮千
總徐忠把總楊華外委范士賢張成義于化林吳
愷廕生朱廷貴俱著交部賜卹又據奏節據將軍
富成知會殲賊多名嗣經細加訪查富成連次殺
賊均止數十人不等一節是富成所報顯係捏飾
並非實情富成前經勒保派令專辦張映祥股匪
且昨據恒瑞奏富成一路帶有兵勇七千餘名是

兵力不爲不厚乃數月以來從未據有隻字奏報
伊所追賊匪究係宕昌白號一股抑係涼恭藍號
一股此數月內曾在何處與賊打仗伊係成都將
軍本有奏事之責何得以殺賊情形僅爾知會廣
厚而又開報不實豈不可耻而且取巧况富成帶
領如許兵勇若果能緊躡賊蹤不予以暇則涼恭
藍號焉能如此猖獗致將弁等傷亡多人昨據勒

保奏到摺內卽有富成不能剿殺賊匪飭令痛改
怠玩積習之語朕向來亦有所聞看來富成竟有
畏憚避賊情事著恒瑞永保卽詳查富成剿賊以
來與賊接仗幾次係在何地伊所帶兵勇實有若
干是否於無賊處所觀望逗遛倘富成因伊係成
都將軍視甘省賊匪非伊專責意存推諉則其罪
更重豈富成竟以業經擢授將軍官品已極卽意

自滿足不復思奮勉出力耶如有此等情節不許
代伊隱飾卽著恒瑞等嚴行叅奏此時松筠如已
到任並著一同據實查辦仍著恒瑞等先行傳知
富成令其自行明白迴奏國法具在斷不稍爲寬
貸也

十九日丁未湖廣總督倭什布奏言臣於三月二

十九日到楚接印後察看各路防堵情形其時

竹谿邊界有陝省平利川省大寧等股賊匪退
近在在戒嚴臣隨於三十日起程由鄖縣房縣

竹山趕赴竹谿督防本月初三日途次竹山之

黃茅岡探知平利一股賊匪由白土關竄至黃

土坡窺伺竹谿西面各卡經摠兵路超吉督同

將備堵截該匪從七里溝直趨東北勢將進逼

竹山沿途居民多有聞風逃避臣當將原防竹

山南界之兵勇撤至北界並探明來路由秦家坪一帶迎擊初五日起抵秦家坪該匪又復折竄馬盤山仍與竹谿關壩一帶逼近臣復星夜

從秦家坪取道前進初七日馳至關壩趕緊查察路徑巡邏籌備是夜四鼓探知該匪突竄松沙河有撲擾鬧楊坪邊隘之勢臣查詢該處離

關壩四十餘里山徑紛雜雖有叅將李正勇帶

領兵勇設卡防禦但恐賊匪乘夜衝越不敷截

剿因飭路超吉帶兵赴小秋山橫截臣率同叅

將董寧川都司孫應奉帶兵千名馳往策應迎

剿該匪果於五更時候潛由山溝衝上撲卡李

正勇督率兵勇施放鎗礮奮力堵剿擊斃賊匪

十餘人賊匪稍退逾時聚集愈衆復從左右山

梁分隊而上直撲鄉勇卡座李正勇從卡內率

兵躍出往來截剿賊匪難以越竄遂留一隊抵
住官兵忽分一隊繞出兵勇卡座之側徑趨東
面山梁李正勇恐該匪翻山闖入令把總陳永
年潘正玉帶領兵勇抵剿撲卡之賊該叅將隨
卽帶兵抄赴東山梁賊隊之前匹馬衝擊手殺
數賊力竭陣亡該匪遂乘勢竄越其時臣率兵
往應途中聞鎗礮聲緊督促前進天明趕到該

匪後隊止在衝突前竄臣飛飭董寧川孫應奉

直前剿殺將賊匪衝為兩段匪衆紛紛逃竄兵

勇分投截擊斃賊八九百名生擒吳三美等二

十九名後隊賊匪殲戮殆盡該匪前隊從東山

梁翻越由王家河前竄查王家河向東六十餘

里卽竹谿縣城城中防兵無幾且處四山之中

地勢低窪因飭董寧川孫應奉劉應世等帶兵

跟蹤追擊

臣

率同路超吉遊擊曹星守備賈應

檀等帶兵抄至縣東之九里岡迎頭攔截初九

日午刻賊匪果由龍王壩直撲縣治

臣

一面飭

委員弁保守城垣鎮定民心一面率兵從九里

岡下壓賊衆猶敢直前抗拒官兵先用大礮轟

擊繼用進步連環又值董寧川等追襲前來併

力夾剿斃賊二百餘名賊衆退上對面山梁相

持力拒時已昏暮中隔山溝一道未便撲剿當

將官兵紮住排列鎗礮轟打賊匪隱伏林內放

鎗拒守一夜直至初十日黎明臣看明道路指

示衆兵分前後兩路一湧而上賈慶檀及候補

把總武舉楊站帶領馬兵首先搶上山梁衝入

賊隊俱各受傷陣亡官兵憤怒攬殺益力斃賊

一百七十八名賊匪意在窺伺縣城並不稍退

臣

見賊隊中有一身穿紅褂手執白旗來往號
令衆賊者必係緊要頭人飭令董寧川用礮向
擊正中該匪心胸登時擊斃餘衆將該匪屍身
搶回始行踉蹌逃竄官兵乘勢壓追殲殺二百
餘名生擒何開長等二十四名賊匪向縣城之
東漫渡村狂遁非徑趨竹山卽折回陝省白河
看此情形則重於堵也所帶策應之兵只一千

名不敷截剿因一面調集竹谿境內分防兵丁
親自帶領星夜抄前迎截一面飛飭前途各屬
厚集兵勇嚴密堵禦以期前堵後剿不使深入
楚境至竹谿縣治雖已幸保無虞然經賊匪撲
擾一晝夜民心尙未十分寧貼且連日逃竄賊
匪恐尙有藏匿左近山溝林內者因令路超吉
暫駐縣城鎮定民情搜捕餘孽其生擒賊匪委

員逐一研訊據供此股賊衆係張添倫爲首由
川人陝人數本有萬餘屢被官兵剿殺尙有六
七千人其礮斃紅褂賊匪係襄陽人李傑子久
在賊營爲馬隊總先鋒等語此內何開長等三
十一名實係習教從逆屢抗官兵當卽正法其
夏金明等二十二名本係良民被擄入夥當予
省釋交竹谿縣暫爲收養查明勒保奏定章程

安爲安置外委趙柱受傷四處其餘傷亡兵勇
另行查明咨部至前竄大寧一股賊匪探得已
由長灘河竄至太平縣亢河地方離楚界漸遠

奏入

上命軍機大臣傳諭勒保倭什布曰此次賊首張添
倫窺伺竹谿進逼竹山倭什布督率鎮將分投截
擊縣城得保固無虞又復親帶兵勇抄前迎截甚

爲奮勉其勇敢直前之概已遠勝景安矣但伊係
該省總督亦當持以慎重不可同士卒衝冒鋒鏑
追赴鄰境現在大寧一股賊匪已由長灘逃往太
平雖離楚界漸遠而賊匪等每欲竄回原籍且夏
令天氣炎熱川省大山或不能屯聚尤思亟奔湖
北不可不嚴加防範倭什布仍當分飭文武員弁
督同兵勇於隣近川陝邊界加意巡邏毋使竄匪

乘間闖入總之無事時不可懈弛也至叅將董寧
川用礮擊斃執旗騎馬賊目李傑子尤爲奮勇著
賞戴花翎仍咨部議叙都司孫應奉劉應世隨同
出力亦著咨部議叙又陣亡叅將李正勇可惜之
至著咨部照副將例賜卹其守備賈慶檀候補把
總武舉楊坵均著咨部議卹

二十日 戊申

上命軍機大臣傳諭倭什布日有人條奏景安前在楚省所帶豫省精兵四千逐日移營賊未來而先圖預避叅將廣福屢次請戰不聽去年曾自行帶兵一百五十名剿賊於白雲山殺傷三百餘人差求接應景安不肯發兵轉將該叅將撤回該叅將稟以來賊數千趁其尚未到齊得兵五百名先殺溝中之賊則山上賊可立破景安不准前進乃復

於冬間叅奏廣福咆哮而究未指出咆哮緣由聞
係景安又欲移營該叅將以兵丁每日領銀四分
米八合三勺竹豁食物最賤尙可支持度日移往
他處恐不敷用而移營一次兵丁山行每日需鞋
一雙每雙價銀二錢徒滋糜費且時刻遷移奔走
未遇賊而兵力先疲今與衆兵情愿赴有賊之處
報効朝廷斷乎不肯移營再三稟阻因逢其怒廣

福至今仍在省枷號楚中官民以其勇往敢戰現帶鎗傷乃被景安陷害無不爲之呼冤等語若果如所奏則廣福尙知勇往殺賊有功無過景安輒以咆哮朦混叅奏顯有屈抑但所言究係一面之詞著倭什布即將以上情節是虛是實秉公詳查據實具奏倘廣福果有被景安屈陷情事自應爲之昭雪候朕酌量加恩但亦不得因景安業經革

去總督卽心存偏聽隨聲附和轉失核實持平之
義也

二十一日

巳酉

上命軍機大臣傳諭勒保曰前據勒保奏到額勒登
保德楞泰兩路官兵屢得勝仗惟賊首輾轉奔逃
迄未就獲今已逾旬尙未續行奏報實殷盼望現
在賊匪竄至何地官兵曾否追及如何痛加剿殺

之處卽著勒保查明迅速具奏毋稍延緩昨令軍機大臣詢問押解常丹葵之委員虞友度等景宏在湖廣總督任內如何避賊並因何將叅將廣福叅革枷號據稱上年四月內廣福在白雲山殺賊時景安不肯發兵接應又景安每日移營避賊廣福曾經面稟兵丁既不見賊徒令逐日移營未免糜費莫若在竹谿休息兵力兼可省費景安因而

發怒將廣福鞭責次日復傳廣福面斥廣福因稱
官職不在大小但能臨陣禦賊方是好官顯係譏
笑景安因此大怒輒以廣福咆哮頂撞叅奏革職
枷號俟軍務完竣發往伊犁充當苦差現在省城
監禁等語若如所稱則景安之畏葸避賊任性妄
爲殊出情理之外著勒保先將景安調赴軍營不
必令其辦理糧餉事務祇著隨營行走此時不必

將虞友度所稱情節預爲漏洩一面密行飛調廣福到營將以上款蹟令景安與之當面質對如果屬實景安以總督大員不能親率將士剿辦賊匪而於勇往帶兵之員並不發兵接應轉掣其肘惟以數千精銳兵勇爲自衛之計又復畏避賊匪逐日移營經廣福正言稟阻不知自愧輒將叅將大員逞忿鞭責甚至以咆哮二字朦混叅奏致合有

功無過之人久被屈抑實屬可惡之至勒保於審
明後再傳旨革去景安伯爵按律定擬具奏併派
委員押解來京俾廣福得以及早昭雪候朕另降
恩旨若有別項情節先行奏聞候旨至現在辦運
川省糧餉止有福寧一人不敷經理並著勒保於
文員內或副都統中擇其明幹可信者奏明派辦
以濟軍需

二十二日

庚戌

廣厚奏言竊監號一股賊匪由秦

州所屬三陽川一帶奔赴秦州城外之太白山

屯紮直撲州城該州王錫均知縣徐學采署都

司寇其臣督率兵勇在城頭用鎗礮擊賊斃

執旗賊目一人夥黨十三人賊匪見城中有備

卽繞至城南之水凌寺屯紮

臣

等帶兵趕到賊

匪探知當由皂角舖南竄徽縣之岱門鎮

臣等

躡蹤趕殺行抵皂角舖大雨徹夜不能前進次
早微霽卽派馬隊二百名前往衝突至店通廟
正遇賊匪數十人在彼搶掠我兵悉力圍捕殺
賊二十一人生擒龍榮等五人訊據供稱此股
藍號屢被官兵剿殺傷斃戰手已多現在存剩
不過三四千人一間官兵之信卽行奔跑昨聞
白號一股來至羅家堡因遣人前往懇說欲與

會合詎白號楊元帥因其被官兵剿敗不許合
夥其覺情急欲由徽縣折回四川等語當行正
法旋據探報白號賊匪已由平南川娘娘壩一

路折竄秦州之馬跑泉將軍富成由高樓子追
趕等情查馬跑泉距秦州止三十里路徑四達

堵禦稍難且此股人數較多雖經臣續調河州

鎮兵八百名前赴秦州防守尙恐兵單臣不敢

拘泥當與吉蘭泰熟識輕重隨即轉回秦州迎擊白號賊匪其藍號一股已至徽縣之麻陽河將出甘境既就近知會富成探蹤剿辦臣等懼

兵前進是日即抵秦州之教場坪距馬跳泉二十里白號賊匪又復分股屯聚一在渭河之南馬跑泉一在渭河之北社棠鎮查社棠鎮係赴清水縣要路清水縣又與平涼府屬之靜寧州

華亭縣接壤均屬完善腹地未經被賊之區自
應馳往兜截俾免北竄但馬跑泉之賊逼近秦
州如我兵全數北向不惟州城無以防禦復慮
賊衆盡渡渭河轉致剽捕費手因將稍覺疲軟
之兵留於教場坪駐紮並於營內排列旗幟多
支帳房令其不知虛實藉以牽綴馬跑泉之賊
隨密挑精銳兵一千五百名派令都司馬良棟

陳五輯署同知縱司燭帶領間道渡河由新集

馳擊吉蘭泰與臣帶兵八百名由紅旗山隨後

策應馬良棟等自新集陟丁華嶺俯視社棠鎮

吶喊下撲賊匪猝不及防率衆奔竄洶渡渭河

該都司等督兵施放鎗箭自後趕殺維時本地

被裹之人乘勢棄擲兵器紛紛逃散約有二千

餘人並將賊匪鎗礮擱棄河中賊匪愈形慌亂

擁擠爭涉道值雨後山水漲發渭河驟深三四尺賊匪人馬行至中流多被衝倒約計淹斃六七百人其陷於河沿泥淖之中者被我兵殲斃二百餘人生擒楊世才等男婦四十七人惟被裹民人內因忙中不及逃脫被殲被衝者亦有三四百人外委方智趕殺賊匪陷於泥淖陣亡兵丁傷亡三十七人其僅以身免之賊匪過河

南岸卽會同馬跑泉之賊向東窮奔華南埠等

處

臣

等起至馬跑泉卽緊躡剿殺並飛飭毗連

秦州之陝省所屬隴州汧陽鳳縣寶雞各州縣

一體多集兵勇嚴爲堵剿務令不致踰越

同日陝西按察使台斐音奏言

臣

於四月十七

日接據隴州牧李承道稟報賊匪張映祥一股

因甘省堵剿緊急由秦州三岔地方沿河臨渡

兵勇竭力堵禦該匪等翻山直撲于十四日竄
至該州之赤沙香泉一帶查該處東南一百餘
里路通寶雞若山東北之八渡翻山卽可從汧
陽竄出鳳翔寶雞大路現在頭二三四起川餉
千十四五七等日接踵過省計已行至鳳翔當
卽飛飭隴州汧陽鳳翔寶雞各地方厚集壯勇
一體嚴密防堵一面飛移參將海洪阿將駐守

郿縣斜峪關兵勇抽撥帶領就近馳往寶雞顧
住大路並合察看情形護送過境計此時明亮
帶領官兵在五郎廟之老關口湯坪河一路永
保帶兵已由城固洋縣前進與明亮會剿張漢
湖分股竄匪恒瑞自鳳縣帶兵由兩當徽縣進
剿均在喫緊之時不能分兵堵截正在籌辦間
適據潼關廳稟報山東頭起官兵十九日即可

抵關此項兵丁一千三百四十九名前經吳熊
光奏明由潼關竟赴商雜交與明亮協剿查隴
州現當緊急鳳寶並無重兵省城又無可派撥
而川餉甚關緊要若俟稟請調派又恐緩不濟
急惟有將山東兵丁改由大路行走既可護衛
川餉且爲西南一路聲援臣不敢以奉有前檄
稍事拘泥隨飛飭潼商道吳沂知照並催令領

兵官副將四達色等守卽由華州渭南一帶大路
兼程馳赴鳳翔扼西去堵禦不令賊人竄出仍飛
飭扶風岐山鳳翔靈異雞等縣探明前途如有梗
阻卽將餉銀暫行存貯俟東省官兵趕到肅清
道路卽令官兵護用川餉剋期前進均奏入

上命軍機大臣傳諭廣晉等台斐音曰廣厚吉蘭泰擊
剿匪號賊匪連次克占一因聞白號賊匪逼近秦州

卽挑選精兵間道馳擊賊匪渡河逃竄淹斃六七
百人復被我兵殲戮二百餘人此實仰賴

上天垂恩

皇考默佑欽察之餘尤深悲感廣厚吉蘭泰能權事宜
之緩急實屬爲國出力著各賞給喜字玉搬指金
纒絲盒大小荷包火鑷包以示嘉獎打仗兵丁俱
加恩賞一月錢糧外委方智及傷亡兵丁雖係陷

於泥淖皆應谷部照陣亡例賜卹至摺內所稱白
號賊匪由平南州一路折竄秦州之馬跑泉將軍
富成由高樓子追趕等語是賊匪所騷擾之處卽
富成所屯紮之處乃廣同守等已抵秦州之教場坪
距馬跑泉僅二十里並土小與富成見而亦不知其
下落是富成未經追賊已屬顯然富成係勒保派
令專辦此股賊匪之人帶領兵勇七千餘名旣已

縱令賊匪闖入甘境又不躡蹤緊剿甚至廣厚等
追剿已到馬跑泉而富成轉無信息有如此帶兵
大員乎且自正月以來從未據有隻字奏報而轉
龜捏戰功濫填殺賊名數咨會廣厚尤爲取巧富
歲如果老病無能曾經受傷不能帶兵何妨據實
陳奏乃竟坐糜軍餉縱賊自如以有用多兵置之
閒處實爲貽誤軍國重事前已有旨令恒瑞等查

明據實叅奏但恒瑞距富成較遠所查恐未確切
今廣厚與之近在一方見聞自確富成究在何處
遠避賊鋒擁兵高卧卽著廣厚等確查嚴行叅奏
不准絲毫迴護見好此次未經叅奏已涉容隱今
特旨交查如再存瞻徇之見而察劾又落恒瑞等
之後則是代人受過自取其咎矣頃據台斐音奏
報賊匪由甘省竄入隴州並稱甘省堵剿緊急可

見此卽廣厚等追剿出境之賊在自行陳奏者或
尙以飾其詞今係隔省奏報情形尤爲廣厚等出
力奮勉之實証也至台斐音以護餉需兵請將山
東調派兵丁改由大道行走護送餉銀一節所辦
甚是前因明亮等一路兵力稍單是以令將此項
兵丁前往協剿今餉銀亦關緊要自應就近撥派
護送以重軍需且爲時不過旬餘於餉銀過境後

卽可趕赴明亮等軍營剿辦賊匪亦不至甚遲也